



Broj: 22-04-44-1-221/18
Sarajevo, 10.08.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 09.08.2018. do 07:00 sati 10.08.2018. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 09.08.2018. godine u 07:05 sati od građanina, da je na lokalitetu Vrelo Bosne, Općina Ilidža, pronađen jedan nepoznat NUS.

O primljenoj informaciji obaviješteni su pripadnici Tima za UES Federalne uprave civilne zaštite, koji su izašli na lice mjesta i ustanovili da se nije radilo o neeksplozivnom ubojnom sredstvu.

Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su pet manjih intervencija i to: dvije požarne intervencije (jednu intervenciju na gašenje trave i niskog rastinja i jednu intervenciju na gašenje smeća) i tri obezbjeđenja (jedno na pretakanju goriva na Međunarodnom aerodromu Sarajevo, jedno na hlađenju stajnog trapa aviona (točkova) i jedno obezbjeđenje koncerta u Domu mladih).

Općinska služba civilne zaštite Ilijaš: U toku jučerašnjeg dana Općinski štab civilne zaštite Ilijaš je na otklanjanju posljedica od prirodne nesreće na terenu angažovala ljudstvo sa građevinskim mašinama na pročišćavanju korita potoka Kiselica i Mačkovac u Gornjoj Misoći, te na čišćenju puteva i dvorišta. Angažovana je Općinska komisija za procijenu šteta, koja je do sada primila 24 zahtjeva za procijenu štete.

Iz preostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mornoj stanici Bjelave je iznosila 19°C, vlažnost zraka 84%, barometarski pritisak 948 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu. Radi održavanja „24 Sarajevo Film Festivala“ od danas do 17.08.2018. godine u terminu od 17:00 sati do 02:00 sata obustavlja se saobraćaj: u ulici Zelenih beretki (od raskrsnice sa ulicom Ćumurija do raskrsnice sa ulicom Gimnazijska), u ulici Branilaca Sarajeva (od raskrsnice sa ulicom Gimnazijska do raskrsnice sa ulicom Kulovića) i u ulici Ćemaluša (od raskrsnice sa ulicom Mula Mustafe Bašeskije do raskrsnice sa ulicom Branilaca Sarajeva). Dodatno, večeras će, zbog svečanog prijema u hotelu Evropa, od 22:00 do 02:30 sati biti obustavljen saobraćaj u ulici Zelenih beretki (od raskrsnice sa ulicom Obala Kulina Bana do raskrsnice sa ulicom Hadžiristića).

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: oc@kucz.ks.gov.ba
Tel: + 387 (0) 33 121, + 387 (0) 33 556-670; Fax: + 387 (0) 33 566-671
Sarajevo, Reisa Džemaludina Čauševića 1